

12/2022



TRUN CULTURA 2.0

LA VISIUN DAVENTA REALITAD DIE VISION WIRD REALITÄT

trun-cultura.ch
trun-cultura.ch/r/actual

Preziadas amitgas, preziai amitgs dalla cultura e da Trun

Ei va liber! Ils davos meins essan nus stai fetg activs. Denton basegna mintga visiun ina nova valetaziun critica suenter in'emprema fasa da sboz. Quei vala era per «Trun Cultura». Sin fundament dil studi da realisabladad savein nus uss presentar cun Trun Cultura 2.0 ina via optimala. Ella resta visionara, sebasa denton sin ina pulita purziun pragamtissem ed operescha cun etappaziun ed ina planisaziun rulonta.

Emprems resultats veseivels davart ils treis projects astgeis Vus spitgar gia la stad proxima a Trun!

L'entschatta december havein nus informau il cussegl da vischnaunca e la populaziun da Trun davart il stan da nies project. Oz sedrizein nus a Vus ed ad ina pli vasta publicitad.

Per Vies interess, Vossa collaboraziun e Vies sustegn engraziel jeu cordialmein en num dalla suprastonza e dalla cummissiun dil fatg Trun Cultura.

Armin Niederberger
President Trun Cultura

Ina versiun cuorta da nies concept general ei d'anflar [cheu sin la pagina d'internet.](#)

SPAZI SPESCHA

Il relasch artistic digl enconuschent artist internaziunal Matias Spescha, oriunds da Trun, vegn proximamein transferius a Trun e surdaus entras ils artavels alla Fundaziun OGNA. Pli che melli ovras fuorman sostanza e basa per l'idea da SPAZI SPESCHA. Ina gronda e clara halla dall'anteriura fabrica da ponn vegn prida a tscheins e preparada per quei intent.

L'emprema exposiziun “**Matias Spescha: Retuorn a Trun - retuorn a casa**” quintein nus arver il zercladur 2023 a moda festiva.

Il niev concept da realisaziun da SPAZI SPESCHA sco era ils davos stampats grafics en vendita, anfleis Vus [cheu.](#)



Invista ella halla da fabricaziun dalla fabrica da ponn Trun. 1.AS Foto: GG

CASA DESAX

La CASA DESAX sesanfla enconuschentamein dapi la stad 2021 en possess da Trun Cultura (dretg da construcziun per 99 onns). Nus fagein diever dil bi baghetg da rococo per immediat, numnadamein sco offis temporar da Trun Cultura. Aschia ha giu liug ils 11 d'october in'emprema seduta dalla cummissiun dil fatg - per aschi da dir - sco era ina sentupada cun deputadas e deputads dil Museum Sursilvan Cuort Ligia Grischa. Il biro da construcziun sco era il post d'administraziun sesanflan naven da primavera 2023 cheu.



Representantas e representants da Trun Cultura e dil Museum Sursilvan Cuort Ligia Grischa sil balcon dalla Casa Desax a Trun . Foto: GG

Nus selegrein da realisar la stad 2023 ella CASA DESAX per l'emprema gada pintgas occurenzas culturalas e temporalas, per part en collaboraziun cun inizativas culturalas e cun uniuns da Trun. Nus vegnin a procurar per enquala supresa culturala.

CASA CARIGIET

Per la CASA CARIGIET havein nus adattau il concept architectonic e da diever ed essan loschs dils resultat. Nus spargnein buca mo quosts, mobein procurein cun in culp curaschus per in'attracziun nunspitgada all'entrada dil vitg da Trun.

Nies concept surluvrau anfla buna accoglientscha tier la suprastanza communal sco era tier la tgira cantunala da monuments. Dapli intervegnis Vus proximamein.



Entwurf Casa Carigiet, Schnitt und Ansicht Nordfassade
(gasser, derungs, s
ett. 2022)

L'entschatta 2023 entschevin nus cun las lavurs da rumiar las restonzas dil barschament cun la finamira da saver allontanar il tetg provisoric pauc bi. La stad 2023 duei la CASA CARIGIET daventar parzialmein accessibla per la publicitad en fuorma da «baghetg freid».

Silsuenter cuntinuein nus cun la reconstrucziun finala sco era cun la semtgada dil clavau multifunziunal per aschia da raschun saver metter en funcziun cumpleinamein igl ensemble dallas treis «casas» el decuors digl onn 2026 (premess il success dil fundraising).

En collaboraziun ed interacziun cun acturs culturals e cumprovai a Trun sco era cul MUSEUM SURSILVAN CUORT LIGIA GRISCHA che sesanfla gest visavi la CASA CARIGIET duei Trun sesviluppar ad in niev hot spot cultural.

Visitei nossa homepage www.trun-cultura.ch e daventei commemberA info@trun-cultura.ch ni s'annunziei directamein sut <https://trun-cultura.ch/verein/>

En cass che Vus leis sustener nus cun ina donaziun: conto Raiffeisen Cadi CH88 8080 8005 1373 2105 6 cun la remarca 'donaziun'. Vossa donaziun saveis Vus trer giu dalla taglia.

Nies secretariat e nossa meinafatschenta Gisela Göttmann (GG) contonschis Vus sut goettmann@trun-cultura.ch, Tel. 079 382 74 44.

Noss'adressa postala: Uniun Trun Cultura, 7166 Trun
